

Աչքերը շուռ եկան, ձեռքերը գալարուեցին եւ շանթահարուած՝ մնացին անշարժ:

Երեք օր, երեք գիշեր, Ուրալից մինչեւ Արարատ, Վօլգայից մինչեւ Դանուբ, մինչեւ Չանգու, սառը մի հով մըրկեց

Եւ Ռուսաստանը ռետինի նման լարուեց:
Ես, Իօհան Թաղաւոր...

Եւ Ռուսաստանը ռետինի նման լարուեց: Կովկասեան լեռնաշղթան դլուխը թեքեց, եւ արծիւները վերջապէս կարողացան մօտենալ Պրոմեթեոսի սրտին: Լո՛յս, լո՛յս: Արդէն ուշ էր. գերմանացի պրոֆեսորի ականջը կանգ առաւ Լենինի կրծքի վրայ, եւ շտապ, խողովակը վար նետեց: «Պարոնայք, ընդհանուր լռութեան մէջ յայտարարեց պրոֆեսորը, համաշխարհային յեղափոխութեան սիրտը կանգնելու վրայ է. մարմինը անդամալոյժ է, դէմքը ծոռեւի է եւ շրթունքների վրայ լրօծուեք կայ»...

Ի գուր կամֆար եւ սնդիկ քսեցին՝ մկանունքները չէին շարժուում: Չորացած ծառի նման Լենինը խշշում էր ամենափոքրիկ քամու առջև: Պատմութեան արօրը կպել էր ժայռին եւ ուսահան երկիրը բարկացած կատուի նրման բարձրացրել էր մէջքը—

Մեռել է Իօհան Թաղաւորը,
Մեռել է Իօհան Թաղաւորը,
Մեռել է Իօհան Թաղաւորը:

Կրեմլինի առջև, պահակները կրակեցին: Ամէն մարդ ուրախութիւնից աղօթում էր: Ռադիօ-կայանները կատաղել էին.

— Ատլանտիկի վրայ փոթորիկ էր.
— Կիէվի մայր եկեղեցում իկօնները խօսում էին.
— Չմուտեցէք այդ աստուածը— հրամայեցին:

Վա՛տ հո՞ս է դալիս:
3.

Կուլտուրական Տան առջև իշխանութիւնը գետեղել է Կարլ Մարքսի եւ Էնգելսի չափից դուրս մեծ գլուխները:

Կաւ է:
Չնայած իրենց տարօրինակ մեծութեան, քաղաքացիները առհասարակ նրանց չեն տեսնում: Մի բան է էլի, դրել են:

Սորհրդային Հայաստանի պաշտօնական այն Ֆիդէլասը, որ այդ դլուխները շինել է, կաւ չէ խնայել: Գիմագծերը ճզմուած են առատ մագերի եւ առատ մօրուքի մէջ, ու առաքեալները նայում են աֆրիկեան արանգուտանների նման: Ամառը, կոհականման եւ թափթփած այդ մօրուքների մէջ մեղները եւ սարդերը բոյն են դնում, իսկ ձմեռը՝ բոլոր այդ խորդուրդութիւնների վրայից կեղտոտ ջուր է հոսում: Կաւը թրջւում է, փափկանում ու կտոր կտոր վայր ընկնում:

Չկա՛յ Երեւանում աւելի տխուր բան, քան այդ յաւակնոտ մեռածութիւնը:

Երբ նայում եմ նրանց, անծայր մի մեղամաղձութիւն լեցնում է սիրտս: Փխրուն եւ դժբախտ այդ մեծութիւնը պատուհանների տակ սեղմուած, այլափոխուած ու ցեխոտ դէմքերով: Բանտուած հոգիների պարտէզում լքուած արձանը...

Ու ամէն ինչ ա՛յնքան հասկանալի է... Հարազատ նշանաբանը ամբողջ մի մտայնութեան: Փոշիների տակ պառկած խօսքերի շարժւող որդը: Նեղմիտ, փոքրհոգի, մեքենական ձեւերով, դորշ դաւաոր:

Բարբախտաբար, անցորդը անցնում է եւ չի տեսնում:

Իսկ եթէ տեսնում է՝
— Մի բան է էլի, դրել են:

Այսօր —
Թերթերի սեւ շրջագծերի մէջ Լենինը անշունչ պառկել է—

Այսօր, կաւէ այդ դլուխները, ցեխերի միջից ոտքի բերած տաւարի նման, մի տեսակ, հանդիսաւոր արտայայտութիւն ունեն: Կարծես, աւելի վեր են բարձրացել: Իրենց ճակատը դէմ են տուել սառը հովին: Ուռել են, ու Արտվեան փողոցին նայում են, արձաններին յատուկ ձերմակ նայուածքով:

Իսկ Արտվեան փողոցը քայլում է մատերի վրայ:

Չգուշօրէն:
Անցորդը անցնում է արագ, ծոռւմ փողոցը, մանում տուն:
Գիւղացիներն էլ չեն իջել: Բնական է՝
→ Լենինը միտել ա՛ւ...